

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» ----- 2026թ.

N-----Ա

**ՈՐՈՇՈՒՄ**

**ԳՐԻԳՈՐ ԱՎԱԳՅԱՆԻ ՀԻՇԱՏԱԿԸ ՀԱՎԵՐԺԱՅՆՈՂ  
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի N 551 որոշմամբ հաստատված կարգի 2-րդ կետը՝

**Երևան քաղաքի ավագանին որոշում է.**

1. Տալ համաձայնություն տնտեսագետ, քաղաքական գործիչ, աշխարհագրագետ պրոֆեսոր, աշխարհագրական գիտությունների դոկտոր, ՀՀ ԳԱԱ ակադեմիկոս Գրիգոր Ավագյանի հիշատակը հավերժացնող հուշատախտակը Պուշկինի փողոցի հ. 40 հասցեում փակցնելու համար:

**ԵՐԵՎԱՆԻ ՔԱՂԱՔԱՊԵՏ՝           ՏԻԳՐԱՆ ԱՎԻՆՅԱՆ**

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԳՐԻԳՈՐ ԱՎԱԳՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Գրիգոր Ավագյանը ծնվել է 1927 թ. սեպտեմբերի 23-ին Գրոզնի քաղաքում:

1947-1952 թթ. սովորել է Երևանի պետական համալսարանի աշխարհագրության ֆակուլտետում:

1990 թ. ընտրվել ՀՀ Գիտությունների Ազգային Ակադեմիայի թղթակից անդամ, իսկ 1992 թվականին ակադեմիկոս:

Գրիգոր Ավագյանի հիմնական աշխատությունները վերաբերում են տնտեսական աշխարհագրությանը, աշխարհագրության տեսությանը, քարտեզագրությանը, Հայաստանի լեռնային շրջանների սոցիալ-տնտեսական զարգացման հիմնախնդիրներին, Հայաստանի գյուղատնտեսության զարգացման հիմնախնդիրների և դրանց լուծման ուղիներին:

Համալսարանն ավարտելուց հետո անցել է մանկավարժական աշխատանքի:

1952-1957 թթ. աշխատել է Երևանի Թեմանի անվան, իսկ 1957-1958 թթ. Թումանյանի անվան դպրոցներում:

1958-1961 թթ. աշխատել է անցել Դպրոցների գիտահետազոտական ինստիտուտում՝ որպես ավագ գիտաշխատող:

1962-1974 թթ. եղել Երևանի Պետական Համալսարանի դոցենտ, 1976-2000 թթ.՝ Երևանի ժողովրդական տնտեսության ինստիտուտի տնտեսական աշխարհագրության ամբիոնի վարիչ, 1976-1990 թթ. լեռնային շրջանների հետազոտության լաբորատորիայի վարիչ, 1962-1972 թթ.՝ Գրիգոր Ավագյանը Երևանի պետական համալսարանի դոցենտ, իսկ 1972-1976 թթ. պրոֆեսոր:

1992 թ. Գրիգոր Ավագյանը հիմնադրել է «Պարմանի» ուսանողական համագգային բարեգործական հիմնադրամը, եղել է կազմակերպության նախագահ (1992-2005): Հիմնադրամն օգնել է հանրապետության պետական ԲՈՒՀ-երի մեծ թվով ուսանողների՝ վճարելու ուսման վարձը: Գրիգոր Ավագյանի նախաձեռնությամբ հիմնադրամը հինգ անգամ՝ 1996, 1997, 1998, 1999, 2000 թթ. հրավիրել է Երևանում հայազգի ուսանողության վեհաժողովներ, որոնք Սփյուռքի ուսանողությանը հայրենիքի շուրջ համախմբելու միտում են ունեցել:

Գրիգոր Ավագյանը 40 գիտական և գիտամատչելի մենագրությունների, բազմաթիվ բուհական և դպրոցական դասագրքերի և մեթոդական ձեռնարկների հեղինակ է:

Ավագյանը պարգևատրվել է Խ. Աբովյանի անվան մեդալով:

Մահացել է 2005 թվականի դեկտեմբերի 4-ին:

Տնտեսագետ, քաղաքական գործիչ, աշխարհագրագետ պրոֆեսոր, աշխարհագրական գիտությունների դոկտոր, ՀՀ ԳԱԱ ակադեմիկոս Գրիգոր Ավագյանի

հիշատակը հավերժացնող հուշատախտակը Պուշկինի փողոցի հ. 40 հասցեում փակցնելու միջնորդությունը ներկայացվել է ՀՀ քաղաքացի Մարտին Գալստյանի կողմից:

Հուշատախտակի տեղադրման ֆինանսական ծախսերը կատարվելու է ընտանիքի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

**ԵՐԵՎԱՆԻ ՔԱՂԱՔԱՊԵՏ՝**

**ՏԻԳՐԱՆ ԱՎԻՆՅԱՆ**